



المحامي المبتدئ 3

تحتوي على:

1- التظلم لاستخراج المحضر من الحفظ:

- نموذج تظلم تجريبي للتطبيق العملي.
- تعريف حفظ المحضر وكيفية التظلم منه.

2- شكوى لقسم الشرطة:

- نموذج شكوى تجريبي للتطبيق العملي.
- أهمية كتابة الشكوى وكيفية صياغتها.

إعداد

إبراهيم الباز النجار

بسم الله الرحمن الرحيم
وَمَنْ يَتَوَكَّلْ عَلَى اللَّهِ فَهُوَ حَسْبُهُ
صدق الله العظيم



إبراهيم الباز النجار
عرف نفسك، سواء باسمك أو درجة القيد أو
عنوان المكتب أو البريد الإلكتروني، وهكذا.

واقعة تخيلية

بسم الله الرحمن الرحيم

تظلم في المحضر رقم 1234 لسنة 2025 إداري قسم ثان المنصورة

السيد المستشار / المحامي العام لنيابات جنوب المنصورة الكلية.

تحية طيبة وبعد،

مقدمة لسيادتكم نيابة عن المتظلم / علي محمد عبد الرحمن المقيم بـ شارع جديدة - قسم ثان المنصورة.

الوكيل / المحامي (اسم المحامي)

ضد:

السيد / أحمد السيد محمود، المقيم بـ شارع قناة السويس - قسم ثان المنصورة
الموضوع

أتقدم لسيادتكم بهذا التظلم من قرار الحفظ الإداري الصادر عن نيابة قسم ثان المنصورة الجزئية في المحضر رقم 1234 لسنة 2025 إداري، ونلتمس إلغاء القرار وإعادة التحقيق.

قام المتظلم بتحرير شكوى ضد المشكو في حقه لاعتدائه عليه بالضرب. تم قيد الشكوى بالمحضر رقم 1234 لسنة 2025 إداري، وعُرضت الأوراق على النيابة الجزئية. ثم فوجئ المتظلم بصدور قرار الحفظ الإداري لعدم كفاية الأدلة.

أسباب التظلم:

1- النقص في الأدلة الشفوية:

أثبت المتظلم في المحضر وجود شاهدي عيان وهما أحمد محمد محمود وأسامة زياد فتحي، ومع ذلك لم تستمع النيابة لأقوالهما، مما أدى إلى نقص في جمع الاستدلالات الجوهرية.

2- النقص في الأدلة المادية:

المحضر مرفق به تقرير طبي أولي يثبت الإصابة، وكان يجب طلب التقرير النهائي قبل اتخاذ قرار الحفظ، حتى يتم تحديد مدة العجز بدقة.

3- الخطأ في التكييف القانوني:

ما قام به المشكو في حقه يُشكل جنحة ضرب متوافرة الأركان، وبما أن الأدلة كانت قابلة للاستكمال، كان يجب على النيابة إصدار أمر بالاستيفاء ومن ثم إحالة القضية للمحكمة المختصة.

بسم الله الرحمن الرحيم
وَمَنْ يَتَوَكَّلْ عَلَى اللَّهِ فَهُوَ حَسْبُهُ
صدق الله العظيم



إبراهيم الباز النجار

عرف نفسك، سواء باسمك أو درجة القيد أو
عنوان المكتب أو البريد الإلكتروني، وهكذا.

لذلك

أتمس من سيادتكم التفضل بالاطلاع وإصدار الأمر العاجل بما يلي:

1- قبول التظلم شكلاً.

2- إلغاء قرار حفظ المحضر رقم 1234 لسنة 2025 إداري قسم ثان المنصورة.

3- الأمر باستخراج المحضر من الحفظ وإعادته للنيابة الجزئية لاستيفاء
التحقيقات اللازمة، وبالأخص:

- سماع أقوال شاهدي الواقعة أحمد محمد محمود وأسامة زياد فتحي.

- طلب وإحضار التقرير الطبي النهائي الخاص بالمتظلم.

4- بعد استيفاء التحقيقات، التفضل بإحالة المشكو في حقه إلى المحكمة
المختصة لمعاقبته.

وتفضلوا بقبول فائق الاحترام والتقدير.

مقدم لسيادتكم
(اسم المحامي)



دونها في كشكولك



علشان نكتب **تظلم لاستخراج المحضر من الحفظ**، لازم الأول نعرف **بشكل سريع**، إحنا وصلنا للنقطة **دي إزاي**.

في البداية هفهمك الأول **بقصة بسيطة**:

القصة:

(الحقوق محفوظة لـ: @ebrahim_elbaz1 (الصفحة الأصلية للمحتوى)).

علي حصل بينه وبين **أحمد** مشكلة كبيرة في الشارع، والمشكلة اتطورت **لاعتداء بالضرب**.

علي راح القسم وحرر محضر، وقدم تقرير طبي، وقال إن في شهود **حضرُوا الواقعة**.

افتكر إن التحقيق **هيمشي طبيعي**، لكن لما راح يتابع، لقي إن **المحضر اتحفظ إداري** بدون ما النيابة تسمع الشهود ولا تستكمل التقرير الطبي.

علي اتضايق جدًا، لأنه كان متأكد إن **حقه واضح**، لكن **الإجراءات** ماكملتش بشكل صحيح.

فسأل: **أعمل إيه؟**

واتقال له: **قدم تظلم للمحامى العام** علشان تطلب **استخراج المحضر من الحفظ** وإعادة التحقيق.

ومن هنا هنبداً نشرح **يعني إيه حفظ؟ وإمتى نعمل تظلم؟** وإزاي نكتبه **بطريقة صحيحة**.

(الحقوق محفوظة لـ: @ebrahim_elbaz1 (الصفحة الأصلية للمحتوى)).

الملف رقم 89
بتاريخ 2026/1/10



دونها في كشكولك



يعني إيه حفظ المحضر وامتى نعمل تظلم؟

حفظ المحضر هو قرار إداري بتصدره **النيابة العامة** لما تشوف إن المحضر **مش كفاية** علشان تكمل فيه تحقيق،

(الحقوق محفوظة لـ: @ebrahim_elbaz1 (الصفحة الأصلية للمحتوى)).

وده بيكون لأسباب زي:

إن الأدلة **مش واضحة** أو **مش كافية**، إن مفيش حاجة تؤكد إن المتهم **هو اللي عمل الواقعة**، أو إن الموضوع بسيط ومش محتاج تحريك دعوى جنائية، وفي حالات تانية بتشوف فيها النيابة إن المحضر **محتاج يقف لحد هنا**.

لكن:

(الحقوق محفوظة لـ: @ebrahim_elbaz1 (الصفحة الأصلية للمحتوى)).

لو انت شايف إن قرار الحفظ دا **مش مضبوط**، أو إن فيه أدلة **ما اتجمعتش**، أو في إجراءات مهمة **ما اتعملتش**، ساعتها من حقاك تعمل تظلم على قرار الحفظ.

والتظلم ما بنقدموش لنفس النيابة:

اللي حفظت المحضر، لأ، إحنا بنقدمه **للجهة الأعلى** منها، وهي **النيابة الكلية** اللي بيرأسها المستشار **المحامي العام**، ودي الجهة اللي **بتراجع القرار** وبتشوف إذا كان فعلاً الحفظ **في محله** ولا محتاجين **نطلع** المحضر من الحفظ ونكمل تحقيق فيه زي ما وضحنا **الجزء السابق**.



دونها في كشكولك



(الحقوق محفوظة لـ): ebrahim_elbaz1@ (الصفحة الأصلية للمحتوى).

كيفية كتابة تظلم لاستخراج المحضر من الحفظ؟

هنمشي سوا **خطوة بخطوة** علشان نتعلم إزاي نكتب **تظلم قوي** يوضح كل حاجة، **وخلي بالك**، التظلم **مش بعدد الصفحات**، لكنه بيبيان في إزاي **تقتع الجهة** اللي هتقدم لها الطلب **إنه يتقبل**.

هنشرح طريقة كتابة التظلم على **أربع أجزاء**، ومع كل جزء **هديك مثال عملي** من **التظلم الموجود** في بداية الملف. المثال ده **واقعة تخيلية**، علشان يكون الشرح واضح وتقدر **تطبقه عملياً**.

الجزء الأول: رأس التظلم

ده **بداية التظلم**، وبتحدد فيه **رقم المحضر** اللي هتتظلم منه، ولمين هتقدمه. لازم البيانات تكون **واضحة**.

مثال:

تظلم في المحضر رقم 1234 لسنة 2025 إداري قسم ثان المنصورة السيد المستشار / المحامي العام لنيابات جنوب المنصورة الكلية تحية طيبة وبعد،

الجزء الثاني: بيانات الأطراف

في الجزء ده، بتكتب **بيانات المتظلم** والمشكو في حقه **بشكل واضح**:

مثال:

(الحقوق محفوظة لـ): ebrahim_elbaz1@ (الصفحة الأصلية للمحتوى).

مقدمة لسيادتكم / علي محمد عبد الرحمن، المقيم بـ شارع جديدة - قسم ثان المنصورة

ضد:

السيد / أحمد السيد محمود، المقيم بـ شارع قناة السويس - قسم ثان المنصورة



دونها في كشكولك



(الحقوق محفوظة لـ: @ebrahim_elbaz1 (الصفحة الأصلية للمحتوى)).

الجزء الثالث: الموضوع

في الجزء ده، بنوضح كل اللي حصل في المحضر من أول ما قدمت البلاغ في قسم الشرطة لحد ما النيابة الجزئية قررت تحفظ المحضر. الهدف هو أن نوضح للجهة الأعلى سبب التظلم بشكل واضح، من غير تفاصيل عاطفية أو سرد للجريمة نفسها وهنطبق بالنموذج اللي معانا. بتكتب في منتصف الصفحة كلمة الموضوع، وبعدها تبدأ شرح التظلم مباشرة.

الموضوع

في البداية:

بنوضح للمستشار إننا بنقدم تظلم على قرار الحفظ وعازيزين إعادة فتح التحقيق. هنا نذكر رقم المحضر، سنة المحضر، والنيابة اللي أصدرت القرار.

مثال عملي:

أتقدم لسيادتكم بهذا التظلم من قرار الحفظ الإداري الصادر عن نيابة قسم ثان المنصورة الجزئية في المحضر رقم 1234 لسنة 2025 إداري، ونلتمس إلغاء القرار وإعادة التحقيق.

بعدين:

(الحقوق محفوظة لـ: @ebrahim_elbaz1 (الصفحة الأصلية للمحتوى)).

بنشرح بشكل مختصر وإجرائي كل اللي حصل في المحضر من أول ما قدم المتظلم البلاغ ضد الشخص المشكو في حقه، وتم تسجيل المحضر في قسم الشرطة، وبعدين تم عرضه على النيابة الجزئية. بعد كده، بنوضح إن النيابة قررت حفظ المحضر لسبب معين زي عدم كفاية الأدلة، وبنوضح كمان إن المتظلم شايف إن القرار ده مش صحيح وعازيز إعادة فتح التحقيق.



دونها في كشكولك



(الحقوق محفوظة لـ: ebrahim_elbaz1@ (الصفحة الأصلية للمحتوى)).

مثال عملي:

قام المتظلم بتحرير شكوى ضد المشكو في حقه لاعتدائه عليه بالضرب. تم قيد الشكوى بالمحضر رقم 1234 لسنة 2025 إداري، وعُرضت الأوراق على النيابة الجزئية. ثم فوجئ المتظلم بصدور قرار الحفظ الإداري لعدم كفاية الأدلة.

(الحقوق محفوظة لـ: ebrahim_elbaz1@ (الصفحة الأصلية للمحتوى)).

بعد كده، ننتقل للجزء المهم في الموضوع:

أسباب التظلم: الأهم

هنا بنوضح للمستشار ليه قرار الحفظ ده **غير صحيح**، ونعرض كل الأخطاء الإجرائية اللي **خلت المحضر يتحفظ** قبل استكمال التحقيق.

أهم الأسباب اللي نذكرها:

أولاً: النقص في الأدلة الشفوية (الشهود):

بنوضح إن النيابة ما سمعتش أقوال الشهود اللي ذكرهم المتظلم في المحضر، رغم أهميتهم **لإثبات الواقعة**.

مثال عملي:

أثبت المتظلم في المحضر وجود شاهدي عيان وهما أحمد محمد محمود وأسامة زياد فتحي، ومع ذلك لم تستمع النيابة لأقوالهما، مما أدى إلى نقص في جمع الاستدلالات الجوهرية.

ثانياً: النقص في الأدلة المادية (التقارير):

بنشرح إن **التقرير الطبي** أو أي تقرير خبير لازم يكون مكتمل قبل اتخاذ قرار الحفظ، وإن صدور الحفظ قبل استلام **التقرير النهائي** يعتبر خطأ إجرائي.



دونها في كشكولك



(الحقوق محفوظة لـ: ebrahim_elbaz1@ (الصفحة الأصلية للمحتوى).

مثال عملي:

المحضر مرفق به تقرير طبي أولي يثبت الإصابة، وكان يجب طلب التقرير النهائي قبل اتخاذ قرار الحفظ، حتى يتم تحديد مدة العجز بدقة.

ثالثاً: الخطأ في التكييف القانوني

بنوضح إن الواقعة تعتبر **جريمة كاملة الأركان**، وكان من المفروض أن تستكمل النيابة التحقيق وتحيل المتهم للمحكمة، وليس **حفظ المحضر** بحجة نقص الأدلة.

مثال عملي:

ما قام به المشكو في حقه يُشكل جنحة ضرب متوافرة الأركان، وبما أن الأدلة كانت قابلة للاستكمال، كان يجب على النيابة إصدار أمر بالاستيفاء ومن ثم إحالة القضية للمحكمة المختصة.

(الحقوق محفوظة لـ: ebrahim_elbaz1@ (الصفحة الأصلية للمحتوى).

الجزء الرابع: الطلبات

في آخر التظلم بنوصل للجزء الذي اسمه **الطلبات**، وده من أهم الأجزاء بعد الأسباب، لأنه يحدد للمستشار **بشكل واضح** :
إنت عايز يحصل إيه بالظبط بعد ما يقرأ التظلم؟
الطلبات لازم تكون **مرتبة وصریحة**، علشان المستشار يعرف الخطوات التي المفروض **تتاخذ في المحضر**.

بنبدأ بطلب **قبول التظلم شكلاً**، وده أمر إجرائي طبيعي في أي تظلم.
بعد كده بنطلب **إلغاء قرار الحفظ الذي بنعترض عليه**.
ثم نوضح إن الغرض الأساسي من التظلم هو: **إخراج المحضر من الحفظ وإعادته للنياية الجزئية** علشان تستكمل التحقيقات التي ناقصة.



دونها في كشكولك



(الحقوق محفوظة لـ: ebrahim_elbaz1@ (الصفحة الأصلية للمحتوى).

وهنا المهم إن الطلبات **ما تكونش عامة**؛ ماينفعش تكتب بس
أطلب استخراج المحضر من الحفظ.
لازم تحدد إيه **التحقيقات اللي ناقصة**، لأنها هي اللي تثبت للمستشار إن
قرار الحفظ كان **سابق لأوانه**.

زي مثلاً:

سماع الشهود، طلب التقرير الطبي النهائي، أو
أي إجراء جوهري كان لازم يتم.

وفي آخر فقرة، بتطلب إنه بعد ما النيابة تستوفي كل **الإجراءات الناقصة**،
يتم اتخاذ التصرف القانوني السليم، سواء الإحالة للمحكمة أو أي قرار
مناسب حسب ما تظهره التحقيقات.

(الحقوق محفوظة لـ: ebrahim_elbaz1@ (الصفحة الأصلية للمحتوى).

مثال عملي:

أتمس من سيادتكم التفضل بالاطلاع وإصدار الأمر العاجل بما يلي:
أولاً: قبول التظلم شكلاً.

ثانياً: إلغاء قرار حفظ المحضر رقم 1234 لسنة 2025 إداري قسم ثان
المنصورة.

ثالثاً: الأمر باستخراج المحضر من الحفظ وإعادته للنيابة الجزئية
لاستيفاء التحقيقات اللازمة، وبالأخص:

– سماع أقوال شاهدي الواقعة وهما أحمد محمد محمود و أسامة زياد
فتحي.

– طلب وإحضار التقرير الطبي النهائي الخاص بالمتظلم.

رابعاً: بعد استيفاء التحقيقات، التفضل بإحالة المشكو في حقه إلى
المحكمة المختصة لمعاقبته.



دونها في كشكولك



(الحقوق محفوظة لـ): ebrahim_elbaz1@ (الصفحة الأصلية للمحتوى).

الخاتمة:

في آخر التظلم، لازم تكون النهاية **محترمة وواضحة**، لأن الخاتمة دي بتقدم نفسك بشكل رسمي قدام الجهة اللي بتنظر التظلم. وده الجزء اللي بياكد إن الطلب صادر **منك فعلاً** وبشكل قانوني. في الخاتمة بنكتب جملة احترام معتادة، وبندكر بيانات المتظلم بشكل واضح، علشان الورقة تكون سليمة وموثقة.

مثال:

وتفضلوا بقبول فائق الاحترام والتقدير.

مقدم لسيادتكم

(الحقوق محفوظة لـ): ebrahim_elbaz1@ (الصفحة الأصلية للمحتوى).

إيه اللي بيحصل بعد ما تقدم التظلم؟

بعد ما بتقدم التظلم، بيتم قيده **برقم تظلمات مستقل**، والرقم ده هو اللي بتتابع بيه الإجراء بعد كده، ولو **التظلم اتقبل**، المحامي العام بيصدر **تأشيرة للنياية الجزئية** بتنفيذ الطلبات اللي حضرتك ذكرتها داخل التظلم. التأشيرة دي معناها إن النياية **ترجع تفتح المحضر** وتستوفي الإجراءات اللي كانت ناقصة، زي سماع الشهود، أو طلب تقرير طبي نهائي، أو أي إجراء كان لازم يتم قبل قرار الحفظ.

وعلشان كده بقول إن جزء الطلبات هو **أهم جزء في التظلم**

لأنه هو اللي بيحدد للمحامي العام:

عايز النياية **تعمل إيه؟** وإيه اللي **ناقص فعلاً** في التحقيق؟

وبالتالي قبول التظلم وحده **مش كفاية**، المهم النص اللي إنت كاتبه في الطلبات، لأنه هو اللي بيبنى عليه قرار إعادة التحقيق.



دونها في كشكولك



(الحقوق محفوظة لـ: @ebrahim_elbaz1 (الصفحة الأصلية للمحتوى)).

لو التظلم اترفض تعمل إيه؟

لو النيابة الكلية **رفضت التظلم**، ساعتها لسه قدامك خطوات ثانية.
أول حاجة بتعملها إنك بتتقدم **بتظلم جديد للجهة الأعلى**
وهي **المحامي العام الأول**، ولو التظلم اترفض مرة ثانية،
بتروح **للجهة الأعلى** منه وهي **النائب العام**.

ولازم في كل تظلم جديد تكتب بوضوح إنك كنت قدمت تظلم قبل
كده وتم رفضه، وتوضح الجهة اللي رفضته وتاريخه.
وبتكرر نفس الخطوات وتتظلم على قرار الرفض
قدام الجهة الأعلى.

(الحقوق محفوظة لـ: @ebrahim_elbaz1 (الصفحة الأصلية للمحتوى)).

يعني باختصار:

الطريق بيكون إنك تقدم **التظلم الأول للنيابة الكلية**، ولو اترفض،
بتقدمه **للمحامي العام الأول**، ولو اترفض تاني،
بتقدمه **للمحامي العام**.

وكل جهة **بتراجع قرار الجهة اللي قبلها** وبتشوف هل قرار الحفظ
فعلاً كان في محله ولا محتاج إعادة نظر وعلشان تفهم تقسيم
النيابات لازم ترجع للجزء **الثاني** من السلسلة دي علشان تفهم
تقسيم **النيابات بشكل واضح وبسيط**.

بسم الله الرحمن الرحيم
وَمَنْ يَتَوَكَّلْ عَلَى اللَّهِ فَهُوَ حَسْبُهُ
صدق الله العظيم



إبراهيم الباز النجار
عرف نفسك، سواء باسمك أو درجة القيد أو
عنوان المكتب أو البريد الإلكتروني، وهكذا.

واقعة تخيلية

بسم الله الرحمن الرحيم

السيد مأمور / قسم شرطة ثان المنصورة

تحية طيبة وبعد،

مقدمة لسيادتكم: السيد / كريم محمد السيد، المقيم بـ شارع جديلة - قسم ثان المنصورة.

ضد:

السيد / سامي آدم محمود، المقيم بـ شارع قناة السويس - قسم ثان المنصورة.

الموضوع

أتقدم إليكم بهذه الشكوى ضد المذكور أعلاه، لما تعرضت له من اعتداء بالضرب المبرح في يوم (الجمعة) الموافق (2025/8/15)، حوالي الساعة (الخامسة مساءً)، وذلك في (شارع الجيش، أمام محل العصير الموجود بجوار مسجد النور، بمدينة المنصورة).
لقد قام المشكو في حقه، سامي آدم محمود، بالاعتداء علي جسدياً وبشكل متعمد، حيث قام بـ (دفعي بقوة على الأرض، ثم قام بلكمي في وجهي عدة مرات، مما تسبب في سقفي على رأسي على الرصيف، وقام أيضاً بركلي في صدري وذراعي الأيمن).
نتيجة لهذا الاعتداء، تعرضت لـ (إصابات بالغة، منها: ارتجاج بالمخ، كسر في ذراعي الأيمن، ورضوض وكدمات شديدة). وقد قمت بالتوجه إلى (مستشفى الطوارئ بالمنصورة) لتلقي العلاج، وأرفقت مع هذه الشكوى (صورة من التقرير الطبي الذي يوضح حجم الإصابات).
الشهود:

السيد / ماجد حامد إبراهيم، المقيم بـ شارع قناة السويس - قسم ثان المنصورة.

السيد / علي حسن فهمي، المقيم بـ شارع سعد زغلول - قسم ثان المنصورة.

يُسند إلى المشكو في حقه بارتكاب جريمة (الضرب)، وهو ما تنص عليه المادة () من قانون العقوبات المصري.

لذلك

التمس من سيادتكم اتخاذ اللازم قانوناً نحو هذه الواقعة الثابتة في حق المشكو في حقه.

مقدم لسيادتكم



دونها في كشكولك



(الحقوق محفوظة لـ): ebrahim_elbaz1@ (الصفحة الأصلية للمحتوى).

علشان نكتب **شكوى زي دي**، لازم الأول نعرف بشكل سريع إحنا وصلنا للنقطة دي إزاي؟

في البداية هفهمك الأول **بقصة بسيطة**:

القصة:

(الحقوق محفوظة لـ): ebrahim_elbaz1@ (الصفحة الأصلية للمحتوى).

في شخص اسمه **كريم**، تعدى على شخص اسمه **سامي** بالضرب، وسبب له إصابات، دلوقتي **سامي عايز ياخذ حقه**، فراح لمحامي وحوكاه اللي حصل، المحامي سمع سامي كويس جدًا، وكتب **الشكوى بدقة ووضوح** علشان يضمن له حقه، وبعد كده قدم الشكوى في قسم الشرطة علشان يبدأ أول خطوة قانونية في القضية.

دلوقتي ممكن ييجي في بالك سؤال:

ليه ما رحتش على طول قسم الشرطة وعملت محضر بدل ما أكتب شكوى؟

في الحقيقة، سواء رحت عملت محضر في القسم أو كتبت شكوى وقدمتها هناك، **فالأتين بيضمنوا لك حقك**.

لكن من وجهة نظري،

كتابة الشكوى بتكون أفضل لعدة أسباب:



دونها في كشكولك



(الحقوق محفوظة لـ: @ebrahim_elbaz1 (الصفحة الأصلية للمحتوى)).

1- الدقة في التفاصيل:

الشكوى المكتوبة تتضمن إن كل البيانات والأحداث **مضبوظة** ومفیش فیها أخطاء.

2- تجنب النسيان:

بتخليك **تكتب كل حاجة** وانت هادي من غير ما تسقط تفاصيل مهمة.

3- توفير وقت وجهد:

الشكوى المكتوبة **بتسهل على أمين الشرطة شغلہ**، خصوصاً وسط الزحمة والكم الكبير من المحاضر اللي بيكتبها يومياً.

4- الجانب القانوني:

كمحامي تقدر **تضيف المادة القانونية** اللي بتقوي موقفك وتوضح نوع الواقعة.

(الحقوق محفوظة لـ: @ebrahim_elbaz1 (الصفحة الأصلية للمحتوى)).

خطوات كتابة الشكوى؟

هنقسم كلامنا لأربع أجزاء وهتلاقوا النموذج موجود للتطبيق:

الجزء الأول: رأس الشكوى

الجزء ده **هو بداية الشكوى**، وفيه بتوضح هتقدمها لمين، فلابزم تكون البيانات مكتوبة بدقة ووضوح.

مثال عملي:

السيد / مأمور قسم شرطة (اسم القسم)

تحية طيبة وبعد،



دونها في كشكولك



(الحقوق محفوظة لـ: @ebrahim_elbaz1 (الصفحة الأصلية للمحتوى)).

الجزء الثاني: بيانات الأطراف

في الجزء ده بتكتب **بيانات الطرفين بشكل واضح**، اللي هما الشاكي (اللي بيقدم الشكوى) والمشكو في حقه.

مثال عملي:

السيد / (اسم الشاكي بالكامل)، المقيم بـ (عنوانه بالكامل)
ضد

السيد / (اسم المشكو في حقه بالكامل)، المقيم بـ (عنوانه بالكامل)

الجزء الثالث: الموضوع (أهم جزء)

في الجزء ده بتكتب تفاصيل الواقعة بشكل **واضح ومنظم**، كأنك بتحكي اللي حصل، وبتجاوب على **أربع أسئلة**: إيه اللي حصل؟ إمتى؟ فين؟ وإزاي؟ علشان توضح كل ملابس الجريمة بدقة وبتمشي بنفس النهج اللي هعرضه دلوقتي ده، علشان تكون ذاكر كل تفاصيل الواقعة.

الموضوع

أتقدم إليكم بهذه الشكوى ضد المذكور أعلاه، لما تعرضت له من (**اذكر نوع الاعتداء**) في يوم (**اذكر اليوم**) الموافق (**اكتب التاريخ**)، حوالي الساعة (**اكتب الوقت**)، وذلك في (**اذكر مكان الواقعة بالتفصيل**). قام المشكو في حقه (المشكو في حقه)، بـ (**اشرح الأفعال اللي قام بها بالتفصيل**)، مثال: الاعتداء علي بالضرب، أو سرقة هاتف المحمول، إلخ).
الأساس القانوني: ويُتهم المشكو في حقه بارتكاب جريمة (اذكر نوع الجريمة مثل: الضرب، السرقة، إلخ)، وهو ما تنص عليه المادة (اذكر رقم المادة) من قانون (اذكر اسم القانون، مثل: قانون العقوبات).

نتيجة لهذا الاعتداء، تعرضت لـ (اذكر الإصابات أو الخسائر التي لحقت بك، مثل: إصابات بالغة، كسر في...، خسارة هاتف محمول، إلخ). وقد قمت بالتوجه إلى (اسم المستشفى إن وجد) لتلقي العلاج وأرفقت مع هذه الشكوى (اكتب التقرير الطبي أو أي دليل مادي آخر).
الشهود: لو في أي حد شاف اللي حصل، لازم تذكر اسمه علشان يساعد يثبت الواقعة.

الجزء الرابع: الطلب والخاتمة

وده بيكون **آخر جزء في الشكوى**، واللي بتطلب فيه من الجهة المسؤولة إنها تتخذ الإجراءات القانونية ضد الشخص اللي تعدى عليك.

مثال عملي:

التمس من سيادتكم اتخاذ اللازم قانوناً نحو هذه الواقعة الثابتة في حق المشكو في حقه.

مقدم لسيادتكم

(الحقوق محفوظة لـ: @ebrahim_elbaz1 (الصفحة الأصلية للمحتوى)).



دونها في كشكولك



(الحقوق محفوظة لـ: @ebrahim_elbaz1 (الصفحة الأصلية للمحتوى)).

وفي النهاية،

وبكده نكون انتهينا من **الجزء الثالث** من سلسلة «**المحامي المبتدئ**»، والتي اتعلمنا فيه إزاي نكتب **تظلم قوي** لاستخراج المحضر من الحفظ، وإزاي نكتب **الشكوى لقسم الشرطة**، السلسلة دي مكلمة لبعضها، مش أجزاء منفصلة،

بدأنا في الجزء الأول بأساسيات التدريب في مكاتب المحاماة:

إزاي تملئ ملف الدعوى، وإزاي تملئ حافظة المستندات، وتفهم الجدول والروول والأجندة، وتتعامل مع قلم المحضرين وأمين السر.

وبعدين في الجزء الثاني رتبنا الصورة الكبيرة:

فهمنا التسلسل الهرمي للنيابات، وتقسيم المحاكم الجنائية والمدنية، وعرفنا نرفع الدعوى فين وعلى أي أساس، وده كله كان تمهيد طبيعي علشان نوصل في **الجزء الثالث** لمرحلة **التطبيق العملي الحقيقي** في كتابة **الشكاوى والتظلمات**. بحاول على قد ما أقدر **أرتب لحضراتكم** كل المنشورات بشكل بسيط ومنظم، **علشان أي طالب أو محامي مبتدئ** يلاقي طريق واضح **يمشي عليه** من غير تشتت أو لخبطة، ويعرف يبدأ منين ويتحرك إزاي.

ونصيحة لكل طالب أو خريج:

اقرأ يوميًا، حتى لو صفحة واحدة، وضيف **معلومة جديدة** ودونها في كشكولك، لأن **الكشكول** ده هو اللي **هيبقى المرجع الحقيقي** ليك بعد كده. حاول دايماً تكون **عقلية قانونية وعقلية باحث**، متاخدش المعلومة زي ما هي وخلص، **اسأل، دور، وافهم**، وهذا العمل تم **بذل مجهود كبير** فيه، وهو متاح بشكل **مجاني** لوجه الله، **فلا تنسوني** من صالح **دعائكم**.

وبس كده،

كان معكم/ إبراهيم الباز النجار،
من منصة "دونها في كشكولك"،
والسلام عليكم ورحمة الله وبركاته.

للحصول على جميع الشروحات والملفات القانونية انضم إلى قناة التليجرام وباقي منصاتنا.

https://tiktok.com/@ebrahim_elbaz1 :

<https://t.me/ebrahimelbaz12> :

Ebrahim Elbaz Elnagar :

دونها في كشكولك :